

[p. 364.]

## CAPVT XVII.

DE

RENOVATIONE INVE-  
STITVRAE A SVCCESORE  
FEVDI PETENDA, ET LAV-  
DE MIO.

## DISTINCTIO I.

*Inter inuestituram primam, & re-  
novationem inuestiturae.*

Distinctionem hanc iam supra <sup>1)</sup> tetigi hoc loco paullo plenius de vsu eius agam. Repeto regulam a Dd. tradi solitam: *quidquid iuris circa inuestituram primam, idem et ex regula circa renovationem inuestiturae obtinet.* <sup>2)</sup> Exceptio est, nisi doceri possit diuersa vtriusque ratio. Qua quidem demonstrata, vsus huius distinctionis sese satis luculenter prodit. Erimus igitur in enumerandis praecipuis, quae vtramque intercedunt, differentiis solliciti. Ipsa iam natura inuestiturae tum primae, tum iteratae, accurate constituta, eas statim suppe-  
[pag. 365.] ditabit. Inuestitura prima est actus, quo primo adquirenti vasallo feudum sibi primitus collatum a domino reuera traditur; renovatio inuestiturae est actus, quo, mutato domino vel vasallo, inuestitura primo adquirenti iam facta confirmatur et renouatur. Germani <sup>3)</sup> dicunt: *der Lehn Folge thun, die Lehn erneuren, die Lehn muthen.*

1) Scilicet ad cap. XII. Dist. 8. MOEL.

2) Sam. STRYCKIUS in *exam. iur. feud.* cap. II. qu. 20. MOEL.3) Adde: *ad personam vasalli respicientes.* WOL.